



18-05-2023

Suliap normua. 2023 -
12932
All. nr. 23004539

Postboks 1015
3900 Nuuk
Oqarasuaat (+299) 34 50
00
e-mail: govsec@nanoq.gl
www.naalakkersuisut.gl

Nunanut Allanut Sillimaniarnermullu Ataatsimiititaliaq
Inatsisartut

Kalaallit Nunaata Canadallu akornanni imaani nunamilu killeqarfik pillugu apeqqutigineqartunut allakkatigut akissut

Kalaallit Nunaata Canadallu akornanni imaani nunamilu killeqarfik pillugu
Nunanut Allanut Sillimaniarnermullu Ataatsimiititaliaq 15. maj 2023
nassiunneqarsimasunik apeqquteqarpoq. Ataatsimiititaliamit apeqqutigineqartut
tullinnguuttuni issuarneqartassapput akissuteqarfigineqarlutillu.

1. Inuit Canadamiut Avanersuarmiullu (Inughuit) akunnerminni
siunissamissaaq killilersugaanatik angalaartuaannarsinnaanissaannik
periarfissaq/pisinnaatitaaffik naammaginantumik isumaqatigiissutitigut
qulakkeerneqarpa?
 - a. Schengenimi suleqatigiinnerup iluani Canadami Avanersuarmilu
Inuit akunnerminni killilersugaanngitsumik
angalasinnaanerat/angalasinnaatitaanerata qanoq
qularnaarneqarsinnaava?

Apeqqummut 1-imut akissut: Isumaqatigiissuteqarnermut atatillugu Inuit
Canadameersut Avanersuarmeersullu killilersugaanngitsumik Tartupalummut
angalasinnaanissaannut siunnersuusiortussamik teknikkkut suleqatigiissitamik
Canadami naalakkersuisut Naalakkersuisullu aallartitaannik
ilaasortaaffigineqartumik pilersitsisoqarnikuvoq. Naggueqatigiit Inuit
killilersugaanngitsumik angalasinnaanerat Schengenimi isumaqatigiissummi
periarfissaritinneqartup atorsinnaanissaa suleqatigiissutigineqartut ilagaat.
Teknikkkut suleqatigiissitap inaarutaasumik siunnersuutai naalakkersuinikkut
akuerineqaqqaartussaajumaarput.

Apeqqummut 1a-mut akissut:

Apeqqut 1 takuuk

2. Nunarsuarmi silap kiatsikkiartornerata malitsigisaanik, aamma kiatsinneq
Issittumi immat sikusarnerinut imarortarnerinullu sunniuteqartarmat,
taamaalillunilu siunissami angallannernut sunniuteqassalluni. Nunatta
Canadallu akornanni tamakku pillugit suleqatigiinneranni alloriarfissat
tulliit suussasut Naalakkersuisut takorloorpaat?

Akissut: Suleqatigiissitaqarpoq Canadamit, Kalaallit Nunaannit Kunngaqarfiullu
Danmarkip ilaasortaaffigisaanik ilaatigut killeqarfiit pillugit isumaqatigiissummik
atuutilersitsinissamut tassunga ilanngullugu Tartupaluup eqqaanni

angalasarnissanut tunngassuteqartunik siunnersuusiortussamik. Imaani angallannermut tunngatillugu Naalakkersuisut iliuuseqalersaanngillat suleqatigiissitalli isumaqatigiisummik atuutilersitsinissamut misissuina utaaqqimaarniarlugu.

Apeqqummut 3-mut tunngatillugu oqaatigineqartutut imaani isumannaallisaanerit Imarsiornermut Aqutsisoqarfiup ataani Naalagaaffimmit akisussaaffigineqarput.

3. Imartani sikorasaaqisuni umiarsuit ilisimasortaqaarnissaannik/nakkutilliisunik ingiaqateqartalernissaannik piunasaqaateqartalernissaq Naalakkersuisut isumaliutigilereersimavaat?

Akissut: Apeqqut taanna akisinnaajumallugu Ineqarnermut Attaveqaatersuutinullu Naalakkersuisoqarfik oqaaseqaateqaqqusimavarput.

“Imartani sikulinni umiarsuit ilisimasortaqaarnissaannik imaluunniit nakkutilliisunik ingiallorteqartalernissaannik piunasaqaateqartalernissaq Ineqarnermut Attaveqaatersuutinullu Naalakkersuisoqarfimmit ilisimaneqanngilaq.

Nunatta imartaani angalasut sukannersumik piunasaqaateqarfigineqartalernissaasa sulissutigisariaqarsinnaanissaa Naalakkersuisunit isummerfigineqarnikuunngilaq.

Imaani isumannaallisaanerit Imarsiornermut Aqutsisoqarfiup ataani Naalagaaffimmit akisussaaffigineqarput. Kalaallit Nunaanni ilisimasortaqaartarnissamik nalunaarut ilisimasortaqaartarnissamik inatsit naapertorlugu kunngillu peqqussutaa naapertorlugu Kalaallit Nunaannut atuuttussanngortinneqarsimasooq Ineqarnermut Attaveqaatersuutinullu Naalakkersuisoqarfiup Imarsiornermullu Aqutsisoqarfiup akornanni oqaloqatigiissutigineqaleruttorpoq.

Kalaallit Nunaanni ilisimasortaqaartarnissamik nalunaarummi imartani sikulinni ilisimasortaqaartarnissaq tikinneqarsimanngilaq umiarsuit ilisimasortaqaartarnissaannik piunasaqaatit nalunaarummi allami suliarineqarmata. Nalunaarut pineqartoq tassaavoq umiarsuit isumannaatsumik angalasarnissaannik nalunaarut imaanilu isumannaallisaanerit inatsit kunngip peqqussutaa aqqutigalugu Kalaallit Nunaannut atuutilersinneqarsimasortaaq naapertorlugu suliarineqarsimalluni.”

4. Kalaallit Nunaata Canadallu akornanni imaani nunamilu killeqarfiit pillugit isumaqatigiissut Pikialasorsuarmut qanoq sunniuteqassava?

Akissut: Isumaqatigissummi nunat marluk akornanni suleqatigiinnerit ingerlasut, nuttarsinnaaneq killilersugaananilu nikissinnaaneq pillugu siunissami suleqatigiinnissaq pillugu oqallinnerit aammalu Pikialasorsuaq/Sarvajuaq pillugu peqatigiilluni nakkutiginninnerit massakkut suleqatigiissitaliornikkut pitsanngorsaaffiginiarneqartut allanngortilersarneqanngillat.

Inussiarnersumik Inuulluaqqusillunga



Vivian Motzfeldt